

**Greenlandic A: literature – Standard level – Paper 1**  
**Groenlandais A : littérature – Niveau moyen – Épreuve 1**  
**Groenlandés A: literatura – Nivel medio – Prueba 1**

Friday 8 May 2015 (afternoon)  
Vendredi 8 mai 2015 (après-midi)  
Viernes 8 de mayo de 2015 (tarde)

1 hour 30 minutes / 1 heure 30 minutes / 1 hora 30 minutos

---

**Instructions to candidates**

- Do not open this examination paper until instructed to do so.
- Write a guided literary analysis on one passage only. In your answer you must address both of the guiding questions provided.
- The maximum mark for this examination paper is **[20 marks]**.

**Instructions destinées aux candidats**

- N'ouvrez pas cette épreuve avant d'y être autorisé(e).
- Rédigez une analyse littéraire dirigée d'un seul des passages. Les deux questions d'orientation fournies doivent être traitées dans votre réponse.
- Le nombre maximum de points pour cette épreuve d'examen est de **[20 points]**.

**Instrucciones para los alumnos**

- No abra esta prueba hasta que se lo autoricen.
- Escriba un análisis literario guiado sobre un solo pasaje. Debe abordar las dos preguntas de orientación en su respuesta.
- La puntuación máxima para esta prueba de examen es **[20 puntos]**.

Allaaserisaaq taamaallaat **ataaseq** pillugu atuakkialerinerimik misissueqqissaarneq apeqqutiniq ilitersuutitut ilanngunneqartunik tunngaveqartoq allaguk. Akissutinni apeqqutit ilitersuutitut ilanngunneqartut tamaasa sammissavatit.

1.

Pikiulinnguami najugallit nuannattunnguupput. Illorujussuarmi piniartortaasut pingasut qilalugarsuit sisamat tulaassimavaat. Qooqap angutaata, Angerlap, marlorsuit piasisimavai sanersuttuuginarsuit. Piniartoqatai allat marluk, Aneeraq Quttorarluk, tamarmik immikkut aamma angisorsuarnik pisaqarsimapput.

5 Kangerlunnguup illoqarfigisamik sissaanut tulaakkiartulermatigik pisussinnaasut tamarluinnarmik atersimapput. Sissap avataanut pillutillu kalitarsuatik avatartaliinnarlugit sannikarteriarlugit qaannat niguallakkallarpaat nukappiaqqat ningerniaqqaartussaammata. Ileqqusoq malillugu nukappiaqqat – taamani katillutik arfiniliusut – sanileriaarlutik siallutik inissipput ujarannuanillu milluutissaminnik tigusisimallutik. Saamillermik isorliusumit  
10 aallartillutik naasiartuaarlutik qilalukkat miloriartartussaavaat avatartaat eqqornaveersaarlugit. Imartalinngivillugu qilalukkat puttaneriniq milornittut siulliit sisamat napputtussaapput, tassa qilalukkap qitersua qalasianit talerui tikillugit ningerisussaavaat. Allat marluk kingulliullutik eqquisut uliunnallutillu talerunnattussaapput.

Ileqqusutut nukappiaqqat inissipput nukarlerpaaq, Aneeqqap ernera Seeqqoq,  
15 saamilliulluni isorlersaalluni miloriaqqaartussaallunilu. Qooqa angajullermut tulluugami miloriartussat tallimagaat. Qooqamit siulliullutik miloriartut ilaat marluk periarnerliorallartillugit Qooqa napputtut pingajoraat, tassa angummi sanersuttoortarsuata aappaa suli eqqorneqanngitsoq torrallavillugu imartaqanngitsumik qilalugaasaroramiuk. Milornittorlu aanaata Alliap aqarallarujaa – ilami qitornatuaammat sapeqigamiuk!

20 Qilalugartuusut namminneerlutik ningissat savimminnik killilersoreermatigik meeqqat ningissat siulliullugit pilattunit piarneqarallarput. Pilattut nikallunganneqqaat. Arnaqquassaartaasut marluk, Qooqap aanaa Alliaq, aamma Quttoqqap arnaa Paakka, qutsaserlutik illartitsigallaripput. Piumasut sissami mattattuuttorsuit tappika illorujussuup iluani neqinik inalukkanillu – killoriarlugit ulillugit saleqqissaakkanik – mamarunarnersiinnarlutik  
25 qulissiutit uuilersukutsooriarlugit qulissertorsuanngorput qullersuatik taqqueruloorlugit.

Apereersimalluni qerinnartuummat neqit orsullu quit iluinut qaavinullu iliorarlugit qeritsiuisinnarneqarput. Qimmit naammatsivillutik nerisimasut aammillu alutturuloorsimasut inuttulli iluarusutsigunarlugit nallaannartalereerput isikkatillu alutturusaarlugit. Kikkut tamarmik ikioqatigiilluarlutik pilariarmata sivitsorpallaanngitsoq illorujussuarminnut majuaapput. Iserfiat  
30 neqisunnialaaramiliuna!

Qilalukkap sakiaminersui aapaartut orsorsaartorsuit angutitaasa mamarsaatigaat inalukkanik killuinnakkanik ulillugit uutanik illuperaarlugit. Ningiortannguat Alliaq, arnaq peqqissaarluinnartoq ilisimatoorlu, iganermut ilikkarluinnarsimavoq. Ilami qulissigai allanit tamanit soorlu tipiginnerusartut!

35 Nerereernerup kingorna ullumiummat qilalukkerinerminnik oqaluusaartut inermata nukappiaqqat angutillu allunaaqattartorsuanngorput. Allunaarsuit paakkarutitut ikaartitikkat qaqqivigisarpaat timersuutinillu tamalaanik aliikkusersorlutik. Inersimasortaasa nuannarinerusarpaat “qajaasaarneq”.

Inersimasunit siulliulluni Quttoraq allunaarsuit siaqqisimasut marluk akornannut  
40 qeqqilluni inissippoq. Allunaarsuit talliminik illuttut ammut naqeriaatigalugit aalassarilluinnarluni isikkani nissiguppai issiasutut ilerluni. Allunaat illugiit nulumi avataatungikanniannut inisseriarlugit tunumigut saamimminik tiguai saamigullu talerpimminik. Taavalu qaannatut kinngusaqattaartutut iliorluni siullermik saamimmut kinngusarluni makittaqaattaalerpoq allunaallu qipinerat naammagileramiuk talerpimmut kinngusarluni makittaqaattaarluni. Allunaat  
45 qippunnerat peqatigalugu makinniartarneq ilungersornarsigaluttuinnartaraluartoq Quttoraq sungiusarluarsimaqisoq eqaalluinnarluni makittaqaattaarpoq.

Angerlakkut Aneeraru Quttoqqatulli eqaatsigisorinarlutik tamalaarpassuarnik pissusilersorlutik allunaaqattartareermata nukappiarartaat aamma sungiusalerput.

50 Quttoqqap erneru angajulleq – taamami Pikiulinnguami nukappiaqqanit angajullersaasoq – Mikisuluk siulliulluni avalaqqaarpoq. Allunaaq siaqqisimasooq ataaseq tikikkamiuk nissuni talerpilleq qulaatitippaa seeqqumi peqittarfianut pisillugu. Nissuni saamerleq nivingatiinnarlugu siumut uleqattaarluni aallartippoq, kingornalu nissumi inissisimanerat paarlaateriarlugu tunummut kusanavissumik uleqattaarluni.

55 Taama iliorluni allunaaqattarneq taaneqartarpoq “oqaatsuaassaarneq”. Mikisuluk aqqarmat Qooqa Aneeqqallu ernerisa angajullersaat – Inequnaaluk – kinguleriillutik aalassarilluinnarlutik oqaatsuaasaarput inersimasortatik assut qungujulaartitaralugit. Tamatumalu kingorna qajaasaarnermik aamma misilikkallarput. Inersimasortaasa tulluusimaarutigisarpaat nukappiarartamik malunnavissumik eqaalliaruaarneri.

60 Allunaat taamatut siaarsimasut atuinnarlugit pinnguaaterpassuit tamalaat pinnguaatigineqartarput. Angutititik allunaaqattartillugit arnartaat piumasut ajagartartorsuupput. Nukappiarartaat allunaaqatannikkaangamik qimussertuusaartarput puisit saarninik qimmilersorlutik. Assaqqut angutitarisarpaat arnartaralugillu akut. Taamani Qooqap angummi aaffattaata assaqqorsua ittoqusiussimavaa, nukappiaraqataasalu ussui natsillaalluunniit assaqqorsui ittoqutigaat.

Ole Brandt, *Qooqa* (1971)

- (a) Oqaluttualiami pisimasut tamarmik aqqissuulluugaasutut saqqummerput. Aqqissuulluugaaneq tamanna qanoq paasinninniarninni oqaluttualiamillu nassuiaasinnaaninni ilinnut oqariartuuteqarpa?
- (b) Atuakkiami uiguutit aalajangersimasut naliliinermik imallit, soorlu –LLUINNAR– aamma –SUAQ, annertuumik atorineqartartut malunnarpoq. Tamanna arlaannik oqariartuummik ilaqarnerooq oqallisigisinnaaviuk?

2.

### Qaallorimmi Illinersiorata

- Illoqarfittaarsuaq  
qamunga iserlugu  
aniserfissaanngilaq  
matua matullugu  
5 iggavimmi pullataavoq  
erngutsip torlua  
milluaavoq  
pisoqarpoq eqqumiitsunik:
- Igalaaq kilerporngaa  
10 mattutissaqanngilaq  
kissarsuut ulinngavoq  
qaammat naasimagami  
nerrivimmut nippoqqaapput  
Inuit tarningi  
15 pallineq ajornaqaat  
nipissaanga  
nerrivimmut nippoqqaapput  
ilama tarningi  
pallineq ajornaqaat  
20 nipissaangaa ...
- Illoqarfittaarsuaq  
unnugu kiviguni  
Tarneq kissavoq piga  
puitinniariuk!  
25 Naqqani ipiguma soqanngilaq  
naamivik  
qaavanut puigisa  
silaannaqarneraaq:
- Anigaaq piviulluni  
30 tungujoq  
iminnarik  
qimmit taamani pigut  
anulerniarlugit!  
qaallorimmi illinersiorata  
35 nammineq  
pavunga ingerlasa  
pigiilluta ...

Malik Høegh, *Ulo 1* (1977)

- (a) Taallap naanerata nalaani allassimavoq *Aningaaq* piviusoq. Tamanna imatut paasisariaqarpa taallami piviusuunngitsortaartoq?
  - (b) Illoqarfittaarsuup iluaniinnerup nalaani pisut kinaassusersiut siulleq ataasersiut atorlugu oqaluttuarineqarput naaneratali nalaani, illoqarfittaarsuup avataani pisut qasseersiut atorlugu oqaluttuarineqarlutik. Tamatuma qanoq pingaaruteqarnera nassuiarsinnaaviuk?
-